



Najaaraq Møller
Inatsisartunut ilaasortaq, Siumut

GUX Nuummi ilinniartitsisut pillugit - § 37 naapertorlugu apeqqummut 234/2024-mut akissut

28-11-2024
Suliap normua: 2024 - 1595
All. nr. 24784712

Asasara Najaaraq Møller,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qjanaq. Naalakkersuisoqarfik apeqqutivit akiniarnerannut atatillugu GUX Nuummut paasissutissanik pissarsiniarsimavoq.

Apeqqut 1: Naalakkersuisut ukiuni tallimani (5) GUX Nuummi ilinniartitsisut qassit unissimaneri qassillu ukiormanna atorfinitsinneqarsimaneri nassuiaaqquneqarput.

Akissut: Ilinniartitsisut ukiuni tallimani kingullerni (5) GUX Nuummit unissimasut tabelimi tullinnguuttumi takuneqarsinnaapput:

Atorfinitsitsinerup qanoq ittuunera	Amerlassutsit	Oqaaseqaat
Aalajangersimasumik sulisartoq	26	Ilinniartitsisut unittut agguaqatigiissillugu atorfeqarnerisa sivissusuaat: Ukiut 5,7
Ukiumut taartaasut	8	
Nalunaaquttap akunneranut akissarsiaqartut	12	

Ilinniartitsisut ukiumi atuarfiusumi 2024-2025-mi GUX Nuummi atorfeqarsimasut tabelimi tullinnguuttumi takuneqarsinnaapput:

Atorfinitsitsinerup qanoq ittuunera	Amerlassutsit
Atorfillit	8
Ukioq naallugu taartaasut	3
Nalunaaquttap akunnermusisartut	3

Ilinniarnertuunngorniarfimmi ilinniartitsisut aalajangersimasumik atorfillit (sulisullu allat) akornanni ukiut agguaqatigiissillugu suliffiusut sisamat-tallimaapput.

Apeqquut 1.a: Taarseraanneranni Naalakkersuisut patsisisaasinnaasunik nassuiaaqquneqarput

Akissut: GUX Nuuk naapertorlugu Nuummi ilinniarnertuunngorniarfimmi ilinniartitsisut taarseraannerannut fagini uumassusilerinermeri, assilialiorluni eqqumiitsuliornermeri, danskisoornermeri, tuluttoornermeri, fysikkernermeri, timersornermeri, akuutissalerinermeri, matematikkimmi, tusagassiuutilerinermeri, nipilersornermeri, tarnip pissusilerinermeri spanskimilu kandidatitut ilinniarsimasunik ilinniartitsisunik atorfinitsitsinissamik pisariaqartitsineq pingaarnertut pissutaavoq, fagini taakkunani kandidatitut ilinniarsimasunik nunatsinneersunik atorfinitsitsineq periarfissaasimangimmat.

Taamaattumik GUX Nuuk ilaatigut Danmarkimiit ilinniartitsisunik atorfinitsitsisariaqarpoq, taakkunani eqimattani ilinniartitsisut ilaat nutaajupput pædagogikumimmi ilinniartussat pineqarput. Kandidatitut ilinniartunngoqqammersut taakku ukiut 3-5 qaangiukkaangata Danmarkimut utikkajuttarput pædagogikumimmi ilinniakkaminnik naammassinnikkaangamik aammalu atorfinitsitsinermeri isumaqatigiissutaat naapertorlugu soraarnermeri akiliunneqarluni angalasinnaanermut pisinnaatitaaffeqaleraangamik.

GUX Nuuk naapertorlugu taarseraannerit tamatuma saniatigut nammineq inuunermeri pissutsinik, soorlu napparsimaneq tamannalu pissutigalugu nunatsinni katsorsarneqarsinnaangitsumik katsorsarneqartariaqarneq kiisalu ineqarnikkut, atuarfimmi meeqqanillu paaqqutarinninnikkut unammillernartunik kiisalu ilaqtanik maqaasinermik pissuteqarput.

Apeqquut 2: Ilinniarnertuunngorniarfiup inatsisaani Inatsisartut inatsisaat nr 10, septemberip 29-iani 2021 imeersumi §58-mi allaqqavoq ilinniarnertuunngorniarfimmi ilinniartitsinieraanni kandidatitut ilinniagaqarsimanissaq piunasaqaataasoq aammalu §59-imi pædagogikummeqarnissaq piunasaqaataalluni. Naalakkersuisut GUX Nuummi ilinniartitsisut tamarmik pædagogikummeqarnersut nassuiaaqquneqarput, uani ilinniartitsisut tamarmik peqarnersut akeqquneqarput.

Akissut: GUX Nuummi sulisut aalajangersimasumik atorfillit tamarmik kandidatitut ilinniarsimasuupput, maannalu pædagogikumimmi ilinniagaqanngikkunik pædagogikummeqarput imaluunniit ilinniartitsinermerik piginnaaneqarnermut immikkut akuerisaallutik atorfinitsitaallutik, matumani ilinniartitsisut kandidatitut ilinniakkamik ingerlataqarlutik kingornalu atorfirmik ingerlatsiinnarsinnaanissamut pædagogikumimmi ilinniagaqartussaallutik. Taamatut pisoqartillugu GUX Nuuk ilinniartitsisup ingerlaqqiffiusumik ilinniagarisimasai sapinngisamik isiginiartarpai ukiunilu kingullerni tallimani GUX Nuuk ilinniartitsisut tallimat kandidatitut ilinniagaqalernerannut tapersiisimavoq.

Ilinniartitsisunik ukiumut taartaasunik akunnermusialinnillu atorfinitsitsinerit amerlanertigut pisarput tiimissat sinneri matussuserniarlugit imaluunniit atorfillit soraarninngornissamut ukiui qanillisimagaangata suliffimmiilluunniit allamiit sulinngiffeqarallarsimagaangata ukiut ataasiakkaarlugit atorfinitsinneqarsimagaangata.

Amerlanertigut fagini, soorlu matematekkimi kalaallisoortitsinermiluunniit kandidatitut ilinniarsimasunik atorfinitsitsiniarnermi ajornakusoortitsiffiusuni akunnermusialittut atorfinitsitsisoqartarpoq. Ilinniartitsisut taakku amerlanertigut ilinniartuusarput imaluunniit ilinniarnertuunngorniarmimmi sulinermi saniatigut allami sulisut.

Apeqqu 2 a:

Ilinniartitsisut tamarmik pædagogikumeqarsimanngippata tamanna nassuiaassutigeqquneqarpoq qanoq isilluni taamaannersoq aammalu qanoq iliuuseqartoqarnersoq.

Akissut: Fagit ilaanni, soorlu kalaallisut fagimi, ilinniartitsisut annertuumik amigaatigineqarput, tassungalu GUX Nuummit ilisimatitsissutigineqarpoq meeqqat atuarianni ilinniartitsisutut ilinniarsimasut kalaallit pikorissut atorfinitsinneqassasut aalajangerneqarsimasoq taamaattumillu ilinniartitsinissamut piginnaaneqarnermit immikkut akuersisoqarsimalluni.

Ilinniartitsisut taakku piginnaanngorsarniarlugit assersuutigalugu ilinniarnertuunngorniarmimmi sulinerup saniatigut oqaatsini, atuakkialerinermi tusagassiutulerinermi piffissap ilaani ilisimatusarfimmi ilinniakkamik naammassinninnissamik periarfissiisoqarsimavoq. Ilinniartitsisut kandidatitut ilinniarsimanngitsut taamaallitullu pædagogikumeqanngitsut tamatuma saniatigut fagini pineqartuni ilinniarnertuunngorniarmimmi ilitsersuisulerneqartarput.

Tamatuma saniatigut ilinniartitsisut ilinniartitsisunngorlaanut pikkorissartitsinermi peqataasarput, matumani ilinniarnertuunngorniarmimmut sammisat attuumassutillit assigiinngitsut, soorlu karakteriliisarneq, ilinniartitsinermut piumasaqaat, misilitsinnerit il.il. oqallisigineqartarlutik.

Apeqqu 3: Ilinniarnertuunngorniarmi inatsisaani ilinniartitsisuusut nunatsinnut paasisimasaqarnissaat, kultooritsinnik oqaluttuarisaanitsinnullu paasisimasaqarnissaat sulissutigivaat? Inatsimmi piumasaqaataannginnami.

Akissut: Atorfinitsitsinissamut atatillugu oqaloqatigiinnermi erseqqissarneqareertarpoq GUX Nuuk nunatta ilinniarnertuunngorniarmifigigaa nammineq inatsisilik, atuartitsissutilik kulturilillu. Atorfinitsinneqaqqammersoq nunatsinneersuunngippat ilinniartitaanermit aqutsisoqarfiup sulilerlaanut pikkorissartitsineranut peqataanissaanik neqeroorfigineqartarpoq. Kingorna GUX Nuuk ilinniartitsisut nutaat ilisaritsinikkut tikilluaqquneqartarput. Ilisaritsinermi ilinniartitsisut nunatsinni inuunermit suliamullu tunngasunik GUX Nuummullu kiisalu nunatsinni ilinniartunut ilisaritinneqartarput.

Ilinniartitsisut tamarmik kalaallisut atuartinneqarnissamik aamma neqeroorfigineqartarput. Kulturimut, nunatsinnut oqaluttuarisaanermullu ilisimasakinneq iluarsiiviginiarlugu atuartitsinermi kulturi ilitsoqqussarinagillu oqaasilinnut ilinniartitseriaaseq tunngavigalugit atuartitsisoqartarpoq.

Tamatuma saniatigut ilinniartitsinermit pilersaarutini allassimavoq ilinniartitsineq Kalaallit Nunaat tunngavigalugu pissasoq. Taamaattumik kalaallit kulturiannut, oqaluttuarisaanerannut inuiaqatigiinnullu tunngatillugu aqqissuussinerni assigiinngitsut peqataanissaq isiginiarneqartarpoq.

Apeqqu 3.a. Suliarineqarnianngippat pilersaarutaananilu sunamita patsisaava?

Akissut: apeqqummut 3-mut akissut takuuk.

Apeqqu 3 b. GUX Nuummi ilinniartitsisut qassit nunatsinneersuuppat kalaallisullu oqaaseqartuullutik?

Akissut: GUX Nuummi ilinniartitsisut kalaallit aamma ilinniartitsisut kalaallisut oqalussinnaasut tabelimi tullinguuttumi takuneqarsinnaapput:

Atorfinitsitsinerup qanoq ittuunera	Kalaallisut	Kalaallisut oqaasilik
Aalajangersimasumik sulisartoq	8	9 (danskisut oqaasilik, kalaallisut oqalussinnaasoq paasisinnaasorlu)
Ukiumut taartaasut	4	4
Nalunaaquttap akunneranut akissarsiaqartut	6	6

Apeqqu 3.c. Aammalu qassit ukiuni qulini (10) maanna nunaqarsimalereerpat?

Akissut: GUX Nuummi ilinniartitsisut atorfilinnit tamanit, taakkununga ilanngullugu akunnermusialinnit, ukiumut taartaasunit aalajangersimasumillu atorfilinnit ilinniartitsisut 30-t nunatsinni ukiuni qulini amerlanerusuniluunniit najugaqarsimapput.

Apeqqu 4: Ilinniarnertuunngorniartinnit ilinniartitsisut inuusuttuaqqat ullutsinni pissusaannut soqutigisaannullu pikkorissagaasarpatt?

Akissut: Apeqquummut 3-mut akissut takuuk.

Apeqqu 4.a: Taamaangippat suna peqquataava?

Akissut: apeqqummut 3-mut akissut takuuk.

Inussiarnersumik inuulluaqqusillunga

Aqqaluaq B. Egede



12. november 2024

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqqutit:

- 1) Naalackersuisut ukiuni tallimani (5) GUX Nuummi ilinniartitsisut qassit unissimani qassillu ukiormanna atorfinitsinneqarsimani nassuiaaqquneqarput
 - a. Taarseraanneranni Naalackersuisut patsisisaasinnaasunik nassuiaaqquneqarput
- 2) Ilinniarnertuunngorniarni inatsisaani Inatsisartut inatsisaat nr 10, septemberip 29-iani 2021-imeersumi §58-mi allaqqavoq ilinniarnertuunngorniarni ilinniartitsiniaraanni kandidatitut ilinniagaqarsimanissaq piomasagaataasoq aammalu §59-imi pædagogikummeqarnissaq piomasagaataalluni. Naalackersuisut GUX Nuummi ilinniartitsisut tamarmik pædagogikummeqarnersut nassuiaaqquneqarput, uani ilinniartitsisut tamarmik peqarnersut akeqquneqarput
 - a. Ilinniartitsisut tamarmik pædagogikummeqarsimangippata tamanna nassuiaassutigeqquneqarpoq qanoq isilluni taamaannersoq aammalu qanoq iliuuseqartoqarnersoq
- 3) Ilinniarnertuunngorniarni inatsisaani ilinniartitsisusut nunatsinnut paasisimasaqarnissaat, kultooritsinnik oqaluttuarisaanitsinnullu paasisimasaqarnissaat sulissutigivaat? Inatsimmi piomasagaataannginnami.
 - a. Suliarineqarniangippat pilersaarutaananilu sunamita patsisaava?
 - b. GUX Nuummi ilinniartitsisut qassit nunatsinneersuuppat kalaallisullu oqaaseqartuullutik?
 - c. Aammalu qassit ukiuni qulini (10) maanna nunaqarsimalereerpat?
- 4) Ilinniarnertuunngorniarni ilinniartitsisut inuusuttuaqqat ullutsinni pissusaannut soqutigisaannullu pikkorissagaasarpat?
 - a. Taamaangippat suna peqqutaava?

(Inatsisartunut ilaasortaq Najaaraq Møller, Siumut)

**Tungavilersuut:**

Ukiorpanngortuni maanna Nunatsinnut iluaqutaangaartumik ilinniarnertuunngorniarfiit piupput. Pitsanngorsaajuaannarsinnaavugullu, aammalu ilinniarnertuunngorniarfinni ilinniartut pitsaasumik atugaqarnissaat, oqaloqateqarsinnaalernissaat, pillugit suliniuteqartorujussuusarput.

Taamaakkaluartuq ilinniarnertuunngorniarfinni ilinniartitsisut paarlakaannerat ilisimaneqarpoq. Ilinniartitsisut ilinniartuutiminnik pitsaanerpaamik ikorfartuisinnaanissaat, taamaattumillu ilinniartut kikkussusaannik ilisimasaqarluarnissaat, pingaarluinnartutut Siumumiit isigaarput. Taamaammallu siunissarput pitsaaneq ornikkusukkutsigu ilinniarnertuunngorniarfinni ilinniartitsisunut piumasaqaatit qissiminnissaat pissusissamisoorpoq. Taakkuummata ilinniartuutiminnik ullormiit ullormut qaninnerpaamik sullissisuusut, ikorfartuisussaallutik sullissisuusut.

Apeqqutigineqartut ullut suliffiusut qulit iluanni akeqquneqarput.